


NEWS





Lak El

Chetim

El Kau

written by Yosko J. Malsol

TABLE OF CONTENTS

[Nehi](#)

written by Yosko Malsol

illustrated by Donald L. Buchholz

[Beketekoi El Ngais](#)


written by Yosko Malsol

illustrated by Joy L. Goodenow

Beketaut

written by Yosko Malsol


illustrated by Linda Gue



Mla er ngii a ta el chad er a sers el ngklel a Nehi. Se el lebo lebad a

leklebesei e ng di blechoel el meluluuch. "Rubak, ak kmal olengit er kau me moderechii a ta er a Changhel er kau me be el ngikak. Ng mla mo chetik tia el belulechad. Ak kmal meringel el oureor e di ngar er a klengit el reng. Ng kmal mla mo soak e leko er a babeluades. Ak kmal olengit er kau me leme Changhel er kau me lengikak."

A ta er a klsus e a sechelil ngii el Nehi a mle engelakl e rongesii el meleluuch. Ng mocha dechor e orrenges. Ng liluut el mo er a blil Ng mlo me ng milii er a becheleleu el mamed e merola el mo er a blil a Nehi. "Nehi, Nehi, ngak tiang. A Rubak a ulderechak el me melai er kau Mkedmeklau e doracl."



A Nehi a kmal di mildeb a nglunguchel. "Al ii. Ngike ng techang?"

A sechelil a Nehi a lueta el oleker. "Nehi, mei me doraël. Ngak tia el merema melai er kau."

"Sarang, a rrach, mdu el kmo ng dibus a Nehi. Ng di dilu er a bechil el ua isei e choimkemkii er a bar.

A sarang a di liluk e dimlak longitengtik. Ng bai milrael el mo er a urrukel me ng dengchokl.

Ng diak a oteltull me a sechelil a Nehi a lueta el omekedong el mlo klou a ngerel. "Nehi, morechedau. Ngak tia el mle melai er kau."

"Sarang, Sarang. A rrach, ke ngar er ker? Mdu er ngii el kmo ng dibus a Nehi." Ng kmal mle kekerei a ngerel e ombibritel.

A bechil chubra me ng dulang. A Nehi a dibus. Bong e mluut el me er a kuk ta er a klebesei."

"A da mei me dora el e Sarang. Bechere bechim e ng dibus e mei me dora el."

"Nehi, bekiis e morael. Mereched. Ngikekid el mengiil er kau." A Sarang a ulerrimel er a bechil.

Ng kmal mla chimetemetii a Nehi e ka el telkib el melmesim. A sechelil a di ulemekedong. "Sarang, ak dirk mengiil."

Ng ngosecha a rengul a Sarang me ng dula er a bechil, "Nehi, bekiis! Ng ko er a mle soam Morael."

A Nehi a dulang, "Ng ko er a omekedong er kau. Morael."

"Ngak a dimlak el soak a omerael. Ng kau a mle soam ke kullengit er a Rubak. Chomtelkib el mo meoud e a kmu er ngii me ng me tmuu."

"Sarang, Sarang, ngak a kmal meketeketa el mengiil."

A Sarang a dulang, "Ngilekid a Nehi."

"Nehi , mei me doraal. Mei me doraal el mo er a babeluades."

A Nehi a nguu a berul e mekisang. Ng melekesako el mo er a bita er a chesimer e omdidm. Ng milsa chad el bliull er a becheleleu el mamed. "Msall e kbo kuubail a beches."

"Bong. Ng sebechek el mengiil."

A Nehi a merola el mo melai er a subelengel. Ng mo e diak lorrechad. Ng kmal mekekakil. A bocha el merek me lleta el mo er a tuangel e ng dirkak le bo dibus a sechelil.

"Cho, msall e bo klia bechel el chelechedal a bilek."

"Bong, ng diak msa el mo meoud."

A lluut el mo er a tuangel a Nehi e a sechelil a dirk mengiil. Ng dulang, "Changhel, ak mla kudmeklak me ng mla mo sebeched el merael. Ng di ngak a kmal chebuul e meknngit el chad. Ng diak el kirek el mo kmeed er kau. A olengit er kau me mtelkib el mo

cheroid.

A ldelal ua isei e a sechelil a ngilseklii el telkib el mo cheroid.

"Cho, Changhel, ke kmal ungil el medengei el kmo ke kmal kebkall. Ng kmal diak el sebechek el mo kmeed er kau. Ak olengit me mluut el telkib el ngoseklau."

A sechelil a lueta el ngoseklii.

Changhel, ke kmal mesisiich e ngak a kmal mechitechut. Ak lmuut el olengit er kau me mluut el ngoseklau.

Tia el lomakes a sechelil e a Nehi a di silechesokl e kolekel el ua busech mad. Ng di riruut el tmuu er a oreomel el mo diak el meues. A sechelil a rirurt el mo metom er ngii.

Uriul er a edei el klebesei e ng lueta a Nehi el me remei. A lemei e

ng mededudeu er a klengerenger e kmal mechitecheto bedengel. Ng di mle el mo dengchokl er a bita er a bechil.

A bechil a dulang, "Ng mla mo soam el kiei er a belulechad?"

"A kumdasu. Ng ko er a diak kisa kngtil."



BEKETEKOI EL NGAIS



Beketekoi el Ngais Blandi

Mla er ngii a ta el mechas me a reteru el ngelekel el redil . A Ngklir a mle Rosa me a Blandi. A Rosa a kmal mle mekngit el ngalek. Ng

mle kedidai a rengul. Ng bek el lebekiis e ng mo rullii a delengcheklel e di diak a ngera el oruul er ngii e 'ng mo ngmelt a sils. A Blandi se el lebekiis e ng kirel el meruul a rokui el urreor er a blai. Ng melai a ralm er a chido e mangedmokl er a blai e meruul a kall. Ngika el mechas a kmal ungil er a Rosa e le ng di ua ingii.

A ta er a tutau e ngika el mechas a kmo, "Blandi, mereched el mo ngma a ralm er a chido. Ke orechedau e ng soad el melim a mekeald." A Blandi a ngiluu a baket e merael el mo mela a ralm. A ta el mechiitechut el mechas a dilung, "Rungalek, me sese er a ralm me kngim e ng kmal meched a renguk." A Blandi a mocha ngma a imelel el msang.

"Ke kmal mesulang. Ngika el mechas a milreng a sulel a Blandi."



A uriul er a ede el klebesei e a delal a Blandi a ngilasech a rengul er ngii. Ng oungeroel er ngii, "Blandi, ngara me ng dirkak mchemlii a ngau. Ngara ke meruul. Ng diak modenge ngerechelem? Ng ko er a diak el kleald a mekeald." Ng oungeroel er a Blandi e a Rosa a mechiuaiau.

A Blandi a kilebetiekl er a lobengkangk a oriik er a belngel a ulkel.

"Mereko e mtobed. Kele kluut el mes a medam e le ng bai mo uchul e ke kmal mo meringel. Mora el mo osiik er a chobo mkie er ngii."

Ng dektel er a delal me ng di liluk e morolang. Ng mocha er a oreomel a Blandi me ngelmangel. Ng di mle telkib e ngii a dumia ngika el mechas el ullengit a ralm er a Blandi.

"Ngara me ke lmangel," Ngika el mechas a uleker.

A Blandi a dulang, "A delak a chillebedak e odkikak. Ak kmal

medatk e diak kudengeli ak bo er ngii."

"Mei. Me debo er a blik me momengur e bo bad. A uche er a dora el e ng ngar er ngii a ta el tekoi el kmal kirem el mo medengeli. A dora el e a lsekum ke mesa ko er a oltobed chur e ng kmal diak mocherechur." A Idela el ua isei e a Blandi a kilengei.

Ngika el mechas a mocha choteklii a chimal a Blandi e te morolang. Te milrael er a oreomel. Ngar er a tkul a rael e a Blandi a miles a bek el bedengel a kerrek ar. Ng dirrek el mla er ngii a derta el bekerekard me a bibrurk el bung. Ng dirrek el mla er ngii a betok el charm el suebek A Blandi a kmal mlo mechas a rengul me ng ulebes a kngtil a rengul.

A longedemuu me lechisngekl a Blandi e ng miles a eruo el chim el kakoad. Ng kmal mlo mechas a rengul e ko er a mlo tuobed a cheril. Ng di dimlak el ocherechur. Ng di mle telkib e ng kuk mes a eruo el oach el kuk mocha kakoad. Ng mocha telkib el ngodech er a rengul.

A lebocha er a eungel a teluo el mellekulek el kerrekar e ng miles a teblo el bedul el mocha kaisesiuekl. A Blandi a kmal di ulemes e di liluk.

A lekeda er a blil ngika el mechas e ng okere er ngii, "Blandi, ng dirk soam el obengkek?"

A Blandi a dilu el kmo, "Choi."

A lieta sils e te merema er a blil ngika el mechas. Ngika el mechas a di tiluu er a blai el mo rullii a delengcheklel e dulang, "Blandi, rungalek, me dongellid e domdasu er a rokel a blengrud." Te olengull e a Blandi a ngilanged a medal el telkib.

"Blandi, bekiis. Bekiis el mo chumlii a ngau e moruul a keled." Ng menguml er a ngau e a lechisngekl a Blandi e ngika el mechas a mla nguu a btelul el loia er a ochil e mesongd er ngii . Ng ko er a mlo kemangel a osengel a Blandi e ng di kmal dimlak a ngara el lolekoi.

A lebocha el merek el mesongd er a btelul ngika el mechas e ng ngoura el mo rodemii er a chiklel e dulang, "Blandi, mnguu tia el chius el leko me mlia er a olekang e motir. Ke smongosii e kede mo omesoil ." A Blandi a mocha smongosii . A bocha lemerek me bo lebkisii a olekang e ng mui er a tech.

A bocha lekukuk me lebekiis a Blandi e ngika el mechas a dulang, "Blandi, ng kmal kirem el mo remei.Ke kmal mle ungil a omerellem me ak mo meskau a blebelem. Bo er a blil a malk me mnga a bebil er a ngais. Kedi melai aike el kmo, 'Mngikak'. Alii kele molai aike el kmo, 'Lak molai er ngak . Se el morael el mo reme e ke midokl er a ullem me ng obeu."



Tia el lorola a Blandi el mo reme e ng ulmidokl aika el ngais er a ullel me ng obebeu. A lobenga ngii el ngais e ng kolt me a bail me a betok el bedengel a ungil el klalo. Ng mocha ngmai e merolang. A lebe el rei e a delal a kmal mlo dmeu a rengul e le ng ullab a kmal betok el ungil el klalo.

A bocha lekukuk e a delal a Blandi a dulang, "Rosa, bo mkedmeklau e morael el mo er se el oreomel. Ke mo siiekii ngike el mechas e mnga a kloklem."

A Rosa a mocha mesichii e morolang.

A Isiseba er a oreomel a Rosa e ngulsiueklii ngika el mechas. Te dokngei el merael. A lorael e ng miles a eruo el chim me a oach me a bedul el kakoad. Ng kmal mlo tuobed a cheril er ngika el mechas me ng di mlad er a dereuakl. Ngika el mechas a dulang, "Rungalek, lak mocherechur e ak chebuul." A Rosa a dimlak el orrenge Ng bai milenga el mo tuobed a cheril.

A bocha el tutau er a bo lekukuk e a Rosa a leko di lenger me bo lolai aika el ngais. Te di mlo merek el omengur e ngika el mechas a dulang, "Rungalek, kau a mla mo kirem el mo remei. A dalam a diak el okor el kmal mla mo suebek a rengul . Morechedau el mo er a blil a malk me mngai aike el ngais el kmo, 'Mngikak'."



A Rosa a merola el mo er a blil a malk. A lebo e ng ngilai a rokui el ngais el kmo, "Lak molai er ngak."


Omerollel el mo remei e ng ulmidokl aika el ngais er a ullel. A

lobebeu e ng kaitebetobed a bersoech me a dechedech me a betok el kengaol el charm. Ng oldiong e lmangel e rurta el mo er a delal. A lebo e a delal a kmal tobeda delbengel. Ng dirrek el ngosecha a rengul me ng mocha oldik er a ngelekel. Ng uldkikii me ng milrael el mo kie er a chereomel.



BEKETAUT





Mla er ngii a ta el rubak me a ta el mechas el kmal mle betok a renglekir el sechal me a redil. Ngika el rubak a chad er a sers. A ta el tutau e tirka el ngalek a di kaidelengelangel er a klengerengel. A rubak a dula er a mechas el kmo, "Arrach, ng kmal di chimo a kelel a bosek me mchielak e di kbo kbosii a chimo el malkureomel el me me doruul a uasech. Mchemlii a ngau e motir a ongeald e mongeald er a mekeald e mongiiil er ngak."

A mechas a dulang el kmo, "Bong. A lebelochel e ng di ungil."

Ngika el rubak a ngoura a bosel e morola el mo omoes. Ng ko er a kmal di suebek a rengul e le ng kmal di chimo kelel a bosel. Ng di merael e di mengedecheduch er a rengul el kmo, "Ng kmal kirek el diak kiit." Ng ngar er a chelsel a oreomel e kmal di diak a ngara el lesa me ng sobeka a rengul.

A longerrui a belochel me el chisngekl e ng mocha reborb er a rechelel a kelel a charm. Ng omdalem er a bosel e rongesii a mengkekedib er iou. A lomes e ng teblo el debar el mengkekikai er a telelluk er a eungel tia el kelel a charm. Ng omkikrirech e rongesii a merereek er a delul a kerrekar er a medal. A lomdidm e ng kmal delal a babii el mengeskiis er a uchul a brak. Ng dirrek el kilebetiekl er a merereek er a ullel A lechub e ng teblo er a dechuu. Ngika el rubak a kmal dikea longitengtik.

Ng mlo telkib el rrau a rengul. Ng di mle soal el moes aika el rokui el charm. Ng di kmal dimlak lodenge el kmo ng mekerang. Ng dilechor el telkib el omdasu e mocha omdalem er a bosel er a

belochel.

A lobuu a bosel e ng lilia er tia el rachel el reborb er ngii a belochel. Tia el rachel a di milcham e lotilech aika el debar me ng di mlad. A belochel a di kilbetiekl e ruebet el remos. Tia el boes a dilelkii ngika el rubak me ng me dengarech el otilech aika el teblo el dechuu. Tia el kelel a boes a kolekel el loia er ngika el klou el babii me ng mad.

Ng ngoura a bosel el osisii er a uchul a chebouch. Ng mocha nguu ngika el babii el mo er a uchul tia el kelel a charm. Ng mocha metengel el mo ngma aika el debar me a belochel. Ng mle ngmasech e ngmai el mo odak er ngiku el babii. Ng liluut el mo ngmai aika el teblo el dechuu el mo odak er ngii. A lebocha longider a cheldil e ng dikea el sebechel el ngmai Ng okor e merola el mo er a blil Ng mlo melai er a cheremel el babbalo me a kareta er ngii el me oltak a cheldil.


A lebocha er a blil e a mechas a oker el kmo, "Ngar er ker a

belochel? Ng dimlak a cheldim? Ngar er ker a bosem?"

Ng kuk kmal betok a tekoi er a ngerem. Moruul a urrerem. Alii, ng mo el mo obau a mekeald. Ke er di mo mad er a blengur."

Ng lueta el morael ngii el rubak el oba cheremel el babbalo me a kareta el mo mela a cheldil. A luut er ngii e ng mlo er ngii a kmal klou el chull. "Mereched, mereched Kede kmal mekersemang." Ngika el rubak a di milngelebed er a btil a cheremel e orreched er ngii. Ng kmal dimlak leuesbeluu er a klungel a chull.

A lemerema er a blil e a mechas a dulang, "Ng kmal mekelda a mekeald. Ang, ngar er ker a cheldim? Kau ke mlor?"



A lechisngekl a rubak e ng di milsa babbalo e diak lesa kareta. A Isa el mo ungil el omes e ng mesa tia el uak el ulak er a babbalo el mo er a kareta. Tiaikid e ng metkei el kmo a klungel a chull a dilmedemekii tia el uak. Ng dile medemekii me ng mlongimes me a kareta a dirk ngar er a oreomel.

"Ak omdasu e a cheldik a me er a telia el sils. Moruul a urerem e mongiiil." Ng di dilu el ua ise a rubak e mocha mekur a cheremel el babbalo. Ng milekur er a kerrekar el dechor er a medal a tuangel e

merael . Ng milrael el mo soiseb er a blai me ng rullii besul e mo mechiuaiu.

A lesuelba a sils e ng kmal mekelda ikr. Tia el uak a mekelda me ng kedebengang. A le ngar er a eru el klok me lenguu a chesimer a mechas e tia a kareta el ngar er a medal a tuangel . Ng ngar er a medal tuangel el mui er a cheldil ngika el rubak. Ngika el mechas a mocha meruul ngii el cheled. Tia el kesus e ng kmal mlo ungil a belsilir el ongalek.